

ZAPISNIK  
SA 30. SJEDNICE SKUPŠTINE KANTONA SARAJEVO ODRŽANE 30.10.2013.GODINE, SA  
POČETKOM RADA U 15.45 SATI

Sjedinici su prisustvovali poslanici/zastupnici:

SOCIJALDEMOKRATSKA PARTIJA BIH

- 1.Brigić Ivan
- 2.Srna- Bajramović Segmedina
- 3.Fazlija Nedžad
- 4.Hajdarević Hadžem
- 5.Crnogorac Branislav
- 6.Efendić Faruk
- 7.Papo Edina

STRANKA DEMOKRATSKE AKCIJE BIH

- 1.Ademović Kemal
- 2.Alić Haris
- 3.Čomor Eldar
- 4.Konaković Elmedin
- 5.Zukić Amir
6. Hodžić Dževad

SAVEZ ZA BOLJU BUDUĆNOST

- 1.Rađo Dževad
- 2.Solaković Adnan
- 3.Ademović Kenan
- 4.Naser Nabil

BOSANSKOHERCEGOVAČKA PATRIOTSKA STRANKA - Sefer Halilović

- 1.Backović Zaim

NAŠA STRANKA- NOVA SOCIJALISTIČKA PARTIJA- Zdravko Krsmanović

- 1.Kojović Predrag
- 2.Haverić Tarik

NARODNA STRANKA RADOM ZA BOLJITAK

- 1.Čardžić Damir

BOSS- Mirnes Ajanović

- 1.Radeljaš Esed

SOCIJALDEMOKRATSKA UNIJA

1. Mujo Hošić

SAMOSTALNI POSLANICI/CE

- 1.Zeković Enes
- 2.Jurić Mira
- 3.Hodžić Sabahudin
- 3.Mehmedić Besim
- 5.Mulaosmanović Fikreta
- 6.Pindžo Mirsad

Otvarajući 30.Radnu sjednicu gosp. Ademović je konstatovao da sjednici prisustvuje 27 zastupnika što je dovoljno za punovažno odlučivanje i rad Skupštine.

Svoj nedolazak na sjednicu opravdali su : Selma Filipović, Munir Talović, Amor Mašović, Izudin Bajrović i predsjedavajuća Malić.

Prijedlog dnevnog reda 30. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 18.10.2013 .godine.

Na osnovu člana 73. Poslovnika Skupštine Kantona Sarajevo („Službene novine Kantona Sarajevo“ – (Drugi novi prečišćeni tekst, br: 41/12 i 15/13), Kolegij Skupštine Kantona Sarajevo, dana 25.10.2013.godine, prihvatio je zahtjev Vlade Kantona Sarajevo da se Prijedlog dnevnog reda 30. Radne sjednice, dopuni sa sljedećom tačkom:

1. Prijedlog odluke o prenosu udjela u privrednom društvu "UNIS PRETIS" d.o.o. Sarajevo sa Kantona Sarajevo na Federaciju Bosne i Hercegovine (Razmatraće se kao tačka 5.)

Pristupilo se utvrđivanju Dnevnog reda 30. Radne sjednice koji glasi:

1. Poslanička pitanja, inicijative i odgovori;
2. Informacija o stepenu realizacije skupštinskih zaključaka za čiju je realizaciju zadužena Vlada Kantona Sarajevo;
3. Prijedlog zakona o lokalnoj samoupravi;
4. Prijedlog zakona o proglašenju Zaštićenog pejzaža „Trebević“;
5. 5. Prijedlog odluke o prenosu udjela u privrednom društvu „UNIS PRETIS“ D.O.O. SARAJEVO sa Kantona Sarajevo na Federaciju Bosne i Hercegovine
6. Prijedlog odluke o izmjenama i dopunama Odluke o osnivanju Kantonalne javne ustanove za zaštićena prirodna područja;
7. Prijedlog odluke o davanju saglasnosti na Statut JU Zavod za zdravstvenu zaštitu zaposlenika MUP-a Kantona Sarajevo;
8. Prijedlog odluke o davanju saglasnosti na Statut JU Zavod za zdravstvenu zaštitu žena i materinstva Kantona Sarajevo;
9. Prijedlog odluke o davanju saglasnosti na Statut JU Zavod za hitnu medicinsku pomoć Kantona Sarajevo;
10. Prijedlog odluke o davanju saglasnosti na Statut JU Zavod za medicinu rada Kantona Sarajevo;
11. Prijedlog odluke o davanju saglasnosti na Program rada i finansijski plan za 2013. godinu, Stomatološkog fakulteta sa klinikama u Sarajevu;
12. Prijedlog odluke o davanju imena trgu na području općine Vogošća;
13. Prijedlog odluke o dopuni Odluke o imenovanju članova Vijeća nacionalnih manjina Kantona Sarajevo;
14. Prijedlog Akcionog plana za prevenciju maloljetničkog prijestupništva i rad sa maloljetnicima u sukobu sa zakonom 2013.- 2015.

Prije izglasavanja dnevnog reda Premijer Suad Zeljković je uzeo riječ ističući da je zbog hitnosti, zbog socijalne osjetljivosti, zbog hiljadu razloga u ime Vlade Kantona kao predlagača zamolio poslanike da pri utvrđivanju dnevnog reda kao prvu tačku stave pitanje prenosa vlasništva UNIS PRETISA na federalni nivo. Obrazloženje je zbog ovih ljudi koji su danima ispred zgrade, zbog njihovih porodica, načina kako se rješava njihova sudbina i zbog moguće diskusije, pojašnjenja i onoga što ide, bojim se da ova tačka u normalnoj proceduri neće danas doći, a to bi za njih bilo pogubno.

Sekretar Abid Kolašinac je citirajući Poslovnik o radu pojasnio koje dalje korake Skupština a i poslanici u njoj mogu preduzeti povodom ovoga pitanja. Istakao je da Kolegij utvrđuje prijedlog Dnevnog reda. Skupština usvaja ili ne usvaja taj prijedlog dnevnog reda. Skupština usvaja ili ne usvaja dnevni red, dakle ne može ga Skupština mijenjati.

Pristupilo se izjašnjavanju o Predloženom dnevnom redu.

Od prisutnih 29, ZA je glasalo 24, nije bilo uzdržanih i protiv, ali 5 nije glasalo.

Zamjenik predsjedavajuće Ademović je konstatovao da je Skupština za 30. Radnu sjednicu Skupštine Kantona Sarajevo usvojila Dnevni red, kako je i predložen.

Kao informativni materijali dostavljeni su :

1. Izvještaj o realizaciji Plana povratka u i iz Kantona Sarajevo za period 01.01. - 30.06.2013.godine, sa osvrtom na problematiku obezbjeđenja alternativnog- privremenog smještaja.
2. Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec august 2013. Godinu

Informaciju o stanju sigurnosti od ove sjednice ćemo čuti izlaganje Komesara. Informacija će se moći komentarisati i Skupština će je primati k znanju. Vlada je prihvatila ovaj pristup na prijedlog Komisije za sigurnost. Također Kolegij je to prihvatio.

Gosp. Ademović je upoznao prisutne o problemu učenika iz Konjević polja i sa prostora Općine Bratunac već traje dva mjeseca i da nadležne institucije u ovom slučaju Institucija ombudsmena BIH nijemo šuti na navode o kršenju prava učenika na obrazovanje. Javno je pozvao Instituciju ombudsmena BIH da po službenoj dužnosti, hitno i neodložno u skladu sa zakonom o obusmenima za ljudska prava BIH , pravilima postupanja Institucije za ljudska prava BIH provedu istragu te na temelju iste da odgovarajuću preporuku nadležnoj obrazovnoj instituciji Vlade RS-a da otklone utvrđene eventualne povrede prava učenika.

Zastupnik Kojović Predrag je uputio poslovničku intervenciju, pitajući gđin. Ademovića da ovo što je upravo pročitao u okviru koje je tačke dnevnog reda? Da li je to njegova inicijativa?

Zamjenik predsjedavajuće Ademović je rekao :“Ovo nije nikakva inicijativa ja koristim priliku da sa ove pozicije pozovem ombudsmena dakle to nije inicijativa koja je u nadležnosti Skupštine niti Vlade Kantona“.

Na osnovu inicijative zastupnika Fazlije Nedžada predložio da tačka 5 sada postane tačka 1.

OD PRISUTNIH 29. ZA JE GLASALO 26, NIJE BILO UZDRAŽNIH I PROTIV. 3 NISU GLASALA.

Zamjenik predsjedavajuće je konstatovao da je tačka 5. PRIJEDLOG ODLUKE O PRIJENOSU UDJELA U P.D. „UNIS PRETIS“ d.o.o. Sarajevo sa Kanton Sarajevo na FBiH sada postala tačka 1.

AD – 5.

PRIJEDLOG ODLUKE O PRENOSU UDJELA U PRIVREDNOM DRUŠTVU „UNIS PRETIS“ D.O.O. SARAJEVO SA KANTONA SARAJEVO NA FEDERACIJU BOSNE I HERCEGOVINE

Prijedlog odluke poslanici/zastupnici su dobili uz poziv za sjednicu.

Predstavnik Predlagača Ministar Emir Hrenovica, je podnio uvodne napomene.

U raspravi koja je uslijedila , učešće su uzeli slijedeći poslanici/zastupnici: Mirsad Pindžo,, Besim Mehmedić, Zaim Backović, Mujo Hošić, Naser Nabil, Nedžad Fazlija, Damir Čardžić, Adnan Solaković, Besim Mehmedić, te Premijer Suad Zeljković i Ministar Emir Hrenovica.

Na kraju diskusije prisutnim se obratio Predsjednik Sindikata Unis Pretisa.

Kako nije bilo više prijavljenih pristupilo se izjašnjavaњу o PRIJEDLOGU ODLUKE O PRENOSU UDJELA U PRIVREDNOM DRUŠTVU „UNIS PRETIS“ D.O.O. SARAJEVO SA KANTONA SARAJEVO NA FEDERACIJU BOSNE I HERCEGOVINE

Od prisutnih 29, za je glasalo 18, uzdržanih 5, protiv 6.

Zamjenik predsjedavajuće gđin. Ademović je konstatovao da je Skupština donijela ODLUKU O PRENOSU UDJELA U PRIVREDNOM DRUŠTVU „UNIS PRETIS“ D.O.O. SARAJEVO SA KANTONA SARAJEVO NA FEDERACIJU BOSNE I HERCEGOVINE .

Prije realizacije slijedeće tačke dnevnog reda gđin. Ademović je pozvao prisutne poslanike/zastupnike da se izjasne o Zapisniku sa Stenogramom 27. Radne sjednice Skupštine.

Od prisutnih 29, Za je glasalo 27 nije bilo uzdržanih i nije bilo protiv. 2 nisu glasala.

Konstatovao je da je Skupština potvrdila Zapisnik sa 27. Radne sjednice Skupštine Kantona Sarajevo održane 05.06.2013; 19.06.2013, 03.07.2013.godine i 08.07.2013. godine.

Isto tako pristupilo se izjašnjavaњу o Zapisniku sa 28. Radne sjednice Skupštine Kantona Sarajevo .

Od prisutnih 29, ZA je glasalo 24, nije bilo uzdržanih i protiv. 5 nije glasalo.

Konstatovao da je Skupština potvrdila Zapisnik sa 28. Radne sjednice Skupštine Kantona Sarajevo održane 28.08.2013.godine, 09.09.2013.godine i 17.09.2013.godine

Poslanik/zastupnik Adnan Solaković je uzimajući riječ da zbog veoma teške situacije u kojoj se nalaze žitelji Konjević polja da svi poslanici uzmu po jedno dijete sa sobom da živi kod njih dok se ne riješi situacija na pravnom osnovu sa Međunarodnom zajednicom.

Premijer Suad Zeljković je informisao prisutne da je Vlada Kantona Sarajevo sa 5 načelnika općina, tražili jedno od mogućih rješenja koja bi ublažila stanje ovih ljudi, koji sa djecom borave pod šatorom.

Poslanik Nedžad Fazlija je predložio da se rad ove sjednice prekine a da nastavak bude sljedeće sedmice.

Zamjenik predsjedavajuće Ademović je ovaj prijedlog dao na glasanje.

Od 29 Za je glasalo 20, uzdražnih 1, protiv 5. 3 nisu glasala.

Konstatovao je da ovaj prijedlog je dobio većinu glasova.  
Sjednica je prekinuta u 17:45 sati.

ZAPISNIK  
SA NASTAVKA RADA 30 RADNE SJEDNICE SKUPŠTINE KANTONA SARAJEVO ODRŽANE  
13.11.2013.GODINE U 9:30 SATI

Nastavku sedinice su prisustvovali poslanici/zastupnici:

SOCIJALDEMOKRATSKA PARTIJA BIH

- 1.Brigić Ivan
- 2.Srna- Bajramović Segmedina
- 3.Fazlija Nedžad
- 4.Hajdarević Hadžem
- 5.Crnogorac Branislav
- 6.Efendić Faruk
- 7.Papo Edina

STRANKA DEMOKRATSKE AKCIJE BIH

- 1.Ademović Kemal
- 2.Alić Haris
- 3.Čomor Eldar
- 4.Konaković Elmedin
- 5.Zukić Amir
6. Hodžić Dževad
- 7.Mašović Amor

SAVEZ ZA BOLJU BUDUĆNOST

- 1.Rađo Dževad
- 2.Solaković Adnan
- 3.Ademović Kenan
- 4.Naser Nabil
- 5.Bajrović Izudin
- 6.Talović Munir
- 7.Filipović Selma

BOSANSKOHERCEGOVAČKA PATRIOTSKA STRANKA - Sefer Halilović

- 1.Backović Zaim

NAŠA STRANKA- NOVA SOCIJALISTIČKA PARTIJA- Zdravko Krsmanović

- 1.Kojović Predrag
- 2.Haverić Tarik

NARODNA STRANKA RADOM ZA BOLJITAK

- 1.Čardžić Damir

BOSS- Mirnes Ajanović

- 1.Radeljaš Esed

SOCIJALDEMOKRATSKA UNIJA

- 1.Mujo Hošić

SAMOSTALNI POSLANICI/CE

- 1.Jurić Mira
- 2.Hodžić Sabahudin
- 3.Mehmedić Besim
- 4.Mulaosmanović Fikreta
- 5.Pindžo Mirsad

Otvarajući nastavak sjednice Zamjenik predsjedavajuće gosp. Ademović pozdravop je uvažene zastupnice i zastupnike, članove Vlade i uvažene goste; predstavnike opština, javnih ustanova, predstavnike nevladinih organizacija i udruženja, građana, Sindikata i Međunarodne zajednice, kao i predstavnike medija koji prate rad današnje sjednice.

Prema evidenciji Službe, sjednici prisustvuje 22 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su: Mirjana Malić i Enes Zeković

Podsjetio je prisutne da su na prethodnom zasjedanju koje je održano 30.10.2013.godine na molbu premijera Vlade Kantona Sarajevo, a uz saglasnost zastupnika Skupštine, obradili tačku 5. „Prijedlog odluke o prenosu udjela u privrednom društvu "UNIS PRETIS" D.O.O. Sarajevo sa Kantona Sarajevo na Federaciju Bosne i Hercegovine“ kao prvu tačku, te da za nastavak 30. Radne sjednice Skupštine Kantona Sarajevo, preostale sljedeće tačke utvrđenog Dnevnog reda, i to :

2. Poslanička / zastupnička pitanja, inicijative i odgovori;
3. Informacija o stepenu realizacije skupštinskih zaključaka za čiju je realizaciju zadužena Vlada Kantona Sarajevo;
4. Prijedlog zakona o lokalnoj samoupravi;
5. Prijedlog zakona o proglašenju Zaštićenog pejzaža „Trebević“;
6. Prijedlog odluke o izmjenama i dopunama Odluke o osnivanju Kantonalne javne ustanove za zaštićena prirodna područja;
7. Prijedlog odluke o davanju saglasnosti na Statut JU Zavod za zdravstvenu zaštitu zaposlenika MUP-a Kantona Sarajevo;
8. Prijedlog odluke o davanju saglasnosti na Statut JU Zavod za zdravstvenu zaštitu žena i materinstva Kantona Sarajevo;
9. Prijedlog odluke o davanju saglasnosti na Statut JU Zavod za hitnu medicinsku pomoć Kantona Sarajevo;
10. Prijedlog odluke o davanju saglasnosti na Statut JU Zavod za medicinu rada Kantona Sarajevo;
11. Prijedlog odluke o davanju saglasnosti na Program rada i finansijski plan za 2013. godinu, Stomatološkog fakulteta sa klinikama u Sarajevu;
12. Prijedlog odluke o davanju imena trgu na području općine Vogošća;
13. Prijedlog odluke o dopuni Odluke o imenovanju članova Vijeća nacionalnih manjina Kantona Sarajevo;
14. Prijedlog Akcionog plana za prevenciju maloljetničkog prijestupništva i rad sa maloljetnicima u sukobu sa zakonom 2013.- 2015;

Informativni materijal:

1. Izvještaj o realizaciji Plana povratka u i iz Kantona Sarajevo za period 01.01. - 30.06.2013.godine, sa osvrtom na problematiku obezbjeđenja alternativnog- privremenog smještaja.
2. Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec august 2013. godinu

Kao što je prethodno zaključeno o Informaciji o stanju kriminaliteta Skupština će biti usmeno informisana na kraju zasjedanja.

Prije nego što se pristupilo realizaciji tačkaka Dnevnog reda poslanik/zastupnik Nedžad Fazlija je Uputio poslovničku intervenciju. Poslovníkom je utvrđeno da je prva tačka Poslanička pitanja, odnosno Vladin sat, da li su ispoštovane poslovničke odredbe člana 212. pošto iz sjednice u sjednicu postaje stalna praksa da nemamo kompletnu Vladu ovdje. Zamolio je da dobije tumačenje ili mišljenje člana 212. Poslovníka.

Sekretar Abid Kolašinac dao je pojašnjenje člana 212. Poslovníka Skupštine.

AD - 2.

## POSLANIČKA/ZASTUPNIČKA PITANJA, INICIJATIVE I ODGOVORI

Otvarajući ovu tačku dnevnog reda poslanik/zastupnik Damir Čardžić je dao komentar na pitanja na koja nije dobio odgovor. Tražio je da se uvede himna prije svakog zasjedanja Skupštine. Tražio je 28.08. o.g. da policija i Tužilaštvo uđu u Ministarstvo privrede i PD Butmir da ispita kriminal, za koji je donio dokumentaciju i predstavio svim zastupnicima u Skupština Kantona Sarajevo. Putem inicijativa je tražio da se riješi problem Veterinarske stanice, gdje je sindikat tražio da se pokrenu tužbe protiv Kantona Sarajevo neosnovano, iz razloga umanjena plaća i svih dodataka koje su imali u 2011, 2012 i početkom 2013.godine.

Poslanik/zastupnik Nedžad Fazlija je podsjetio da je na prošloj Skupštini postavio pitanje vezano za produžene boravke odnosno neuplaćivanje obaveza koje su imali produženi boravci prema dobavljačima roba i usluga. Dobio je od Ministarstva obrazovanja odgovor u kome stoji da su roditelji uredno uplatili sredstva za smještaj djece u produženom boravku na račun trezora a škole uredno dostavile Ministarstvu finansija naloge za plaćanje obaveza prema dobavljačima. Računi nisu u roku plaćeni što je dovelo do toga da pojedini dobavljači otkazu ugovore u isporuci robe školama. Napominju da Ministarstvo za obrazovanje nauku i mlade ne može uticati na dinamiku plaćanja, jer prioritete za plaćanje utvrđuje Ministarstvo finansija, niti je ovo Ministarstvo dalo saglasnost da se sredstva koja su roditelji namjenski uplatili za produženi boravak koriste u druge svrhe. Zatražio je od Ministarstva finansija odgovor šta je sa ovim, da li je plaćeno, kada se misli platiti i koja će biti sudbina produženog boravka po školama.

Poslanik/zastupnik Hadžem Hajdarević je iskazao nezadovoljstvo odgovorom a tiče se zaposlenja više od 40 uposlenika u ZZO Kantona Sarajevo bez konkursne procedure. Odgovor je dobijen prije mjesec dana i to zahvaljući novinarsko – istraživačkom timu Dnevnog avaza od Porezne uprave Kantona Sarajevo. Postavio je pitanje da li je to bježanje od iznošenja imena ko je sve bez ikakva konkursa i konkursne procedure zaposlen u ZZO Kantona Sarajevo što su se među novo uposlenima našli bliži srodnici tzv parlamentarne većine u Kantona Sarajevo. Na kraju u ime Kluba SDP-a insistiraju da ministar zdravstva gospodin Lokmić i zvanično dostavi tražene podatke ko je sve i u kom periodu zaposlen u Kantonu Sarajevo posljednju godinu dana.

Poslanik/zastupnik Predrag Kojović je postavio pitanje:“Prema pisanju medija Narodna stranka radom za boljitak svoje predstavnike u izvršnoj vlasti kontoliše fiktivnim obligacionim ugovorima. Ministar Hrenovica je kako smo imali priliku saznati iz medija od ove partije pozajmio 100.000 eura i oni sada prijetnjom o naplati tog duga utiču na njegove odluke. S obzirom da mi je tokom izborne kampanje od ljudi koji su se predstavljali kao operativci ove stranke nuđen novac za glas, ja lično nemam nedoumica o tome o kakvoj vrsti partije se radi. Moje pitanje nije vezano za tu temu. Ono što me zanima je sljedeće: ministar Hrenovica je obrazlažući svoju poziciju ucjenjenog, iznio tvrdnje iz kojih je očigledno pokazao da ne razumije šta znači ugovor, šta znači mjenica, šta znači izvršna radnja. Ja sam se nadao da će ministar Hrenovica biti prisutan danas ovdje i ponuditi mogućnost da građanima grada Sarajevo obrazloži čitavu ovu aferu a pošto on nije prisutan upućujem pitanje premijeru i pitam ga da li je zabrinut činjenicom da jedno od najvažnijih resora onaj za ekonomsko gazdovanje u kantonu vodi neko kao što je ministar Hrenovica“.

Inicijativa se odnosi na obrazovni sistem koji je zasnovan na etničkom konceptu. Na ovu inicijativu

su ga direktno potakli opravdani protesti roditelja iz Konjević polja. Problem zbog kojeg protestuju roditelji iz Konjević polja je prisutan u mnogim školama jer je neizbježan u obrazovnom sistemu u kojem se u podjednakoj mjeri ne uče sva tri službena jezika i dva pisma i u kojem postoje bošnjačka ili hrvatska ili srpska biologija ili geografija. Poslanik Zukić je prije par dana ili prije možda desetak dana inicirao u Domu naroda inicirao donošenje deklaracije podrške svoj djeci i roditeljima koja se u svojim sredinama suočavaju sa sličnim problemom kao Bošnjaci u Konjević polju. Deklaracija na žalost nije proizvela skoro nikakav osim trenutačnog političkog efekta i ja se nadam da ova Skupština može učiniti nešto više i bolje za rješenje ovog ozbiljnog problema. Predložio je da Skupština zaključkom obaveže Vladu da za sljedeću sjednicu pripremi izvještaj o stanju u sarajevskim školama, dakle da li se i u kojim školama odvija nastava iz tzv. Nacionalne grupe predmeta. U želji da Kantona Sarajevo kao što je bilo u slučaju Sejdić-Finci na čemu smo mi čestitali premijeru, bude lider u stvaranju jedne nove pozitivne BiH.

Poslanik/zastupnik Amir Zukić se osvrnuo na problem legalizacije građevinskih objekata u Kantonu Sarajevo. Od usvajanja odluke do danas ne postoji analiza provođenja Odluke o legalizaciji. Ovim putem je pokrenuo inicijativu da se vidi šta je sa efektima legalizacije da se ide kroz izmjene i dopune, i omogući građanima napokon da uspiju efikasno legalizovati svoje objekte.

Drugo pitanje odnosilo se na nastavne planove i programe u osnovnom naročito a i u srednim školama koji su glomazni, prenatrpani, da djecu zatrpavamo sa ogromnim brojem predmeta i ogromnim brojem gradiva koje u suštini nije previše korisno. Prateći iskustva Švedske, Finske i procese u kom ide naročito osnovno obrazovanje pokrenuo je inicijativu da shodno tim iskustvima malo rasteretimo školske programe, osnovnog i srednjeg obrazovanja približimo stepenu da dijete kada napuni 18 godina bude efikasno educirano a ne da bude zatrpano većinom nepotrebnim predmetima.

Poslanik/zastupnik Dževad Hodžić je pokrenuo inicijativu izgradnje osnovne škole na Šipu obrazlažući time da samo iz jedne zgrade u ovom naselju 12 djece osnovaca ide u šest različitih osnovnih škola u Kantonu Sarajevo. I druga inicijativa odnosi se na izgradnju sportsko rekreativnog igrališta na pratećim sadržajima namjenjenim djeci ovog naselja. Samo u proteklih desetak – petnaest dana zbog igre na saobraćajnicama u ovom naselju troje djece je srećom lakše povrijeđeno jer u nedostatku prostora na kojem bi kvalitetno provodili vrijeme u igri ili drugim sportskim aktivnostima prisiljeni su ih obavljati na parkinzima ili što je još gore po samim saobraćajnicama.

Poslanik/zastupnik Faruk Efendić je podsjetio prisutne da je na 28. radnoj sjednici Skupštine Kantona Sarajevo 28.08. 2013.godine policijskom komesaru MUP-a Kantona Sarajevo postavio sljedeća poslanička/zastupnička pitanja: „Po kom pravnom osnovu je predložio Pravilnik o izmejnama i dopunama Pravidanika o unutrašnjoj organizaciji MUP-a Kantona Sarajevo od 30.05.2013 godine kojim je inspektorat za zaštitu požara sistematizovan u Upravu policije kao unutrašnja organizaciona jedinica, te da i smatra da su odredbe pomenutog Pravilnika vezane za sam rad policije u skladu sa zakonom o unutrašnjim poslovima Kantona Sarajevo?“ Do sada odgovor na ovo pitanje nije dobio. U međuvremenu rješenjem od 10.10. o.g. upravnog inspektora Ministarstva pravde i uprave Kantona konstatovano da je navedeni Pravilnik neusklađen sa Zakonom o unutrašnjim poslovima Kantona Sarajevo te uredbom o načelima za utvrđivanje unutrašnje organizacije kantonalnih, gradskih i općinskih organa uprave, te upravnih organizacija, isti inspektor je naložio Ministru unutrašnjih poslova da uskladi ovaj Pravilnik sa navedenim propisima u roku od 30 dana od dana prijema rješenja. Osim ministru inicijativu je uputio i premijeru Vlade Kantona Sarajevo koja je dala saglasnost na ovaj pravilnik da preko MUP-a Kantona Sarajevo pokrene odgovornost uposlenika tog ministarstva koji su izradili prijedlog nezakonitog Pravilnika i policijskog komesara koji je predložio donošenje tog Pravilnika iako je znao ili morao znati da nema ovlaštenje da predlaže izmjene Pravilnika koji se ne odnosi na rad policije.

Uputio je pitanje prema Ministarstvu unutrašnjih poslova u vrijeme kada ekonomska situacija građana u Kantonu Sarajevo sve gora i gora kada predlažu i primjenjuju restriktivne mjere štednje u trošenju budžetskih sredstava na svim nivoima u BiH, dok policajcima redovno kasni plaća ili ista je čak nedovoljna za puko preživljavanje, ministar Pećanac i resorno Ministarstvo raspisuje milionski javni tender za nabavku 1500 pištolja marke Glock 17 za MUP Kantona Sarajevo. Po kom



pravnom osnovu i iz kojih razloga i potreba se vrši pomena javna nabavka 1500 pištolja imajući u vidu trenutnu ekonomsku situaciju u Kantona Sarajevo te činjenicu da se ovom nabavkom troše sredstva poreznih obveznika u Kantona Sarajevo. Kako se uopće mogao raspisati javni poziv bez pravnog osnova da prethodno nije usvojen Pravilnik o tehničkim karakteristikama pištolja? U raspisanim uslovima i tehničkim karakteristikama se mogu prijaviti samo ponuđači pištolja marke Glok 17 iako se na tržištu za istu ili manju cijenu mogu dobiti daleko kvalitetniji pištolji. Ovim postupkom se bez zakonitog osnova isključuju svi drugi proizvodi čime se tender monopolizuje. Gdje se direktno dolazi do sticanja nezakonite koristi u stotinama hiljada maraka za onoga ko bi eventualno dobio ovaj sumnjivi posao. Sljedeće pitanje se odnosilo na uniforme koje su nabavljene u prethodnom periodu te da li je tačno da su iste podijeljene policiji a nisu u upotrebi jer tobože neko iz MUP-a nije dao naredbu za njihovu upotrebu.

Pokrenuo je inicijativu prema Ministarstvu saobraćaja u ime građana sa područja MZ Pofalići 1 i Pofalići 2. i prema KJKP Gras, za ponovno uspostavljanje kombi linija na relacijama Ekonomska škola- Bakrevac- Obad i Hum brdo. Građani sa ovog područja su zaista suočeni sa velikim problemom prevoza odnosno ukidanja linija koje su saobraćale na ovim relacijama.

Poslanik/zastupnik Adnan Solaković je inicirao izradu informacionog sistema za upravljanje budžetom u Kantonu Sarajevo kojim bi bili obuhvaćeni svi budžetski korisnici kroz koji bi se planirani godišnji i okvirni udžet na analitičkom i programskom nivou, te koji bi članovima Vlade i zastupnicima u Skupštini omogućio direktni uvid u zahtjeve i planirana sredstva. Informatizacijom sistema planiranja finansija bi se poboljšala koordinacija između ministarstva finansija i budžetskih korisnika Kantona Sarajevo. Omogućio bi se direktan i ubrzan pristup korisnicima budžeta te poboljšala tačnost i kvalitet budžeta sa uvidom u obrazloženje svih stavki, te višegodišnjim projektima i trendovima.

Zastupničko pitanje uputio je Ministarstvu za obrazovanje nauku i mlade. Naime u JU OŠ „Mula Mustafe Bašeskije“ ima 25 učenika koji imaju manje intelektualne poteškoće i tri učenika sa kombinovanim poteškoćama u razvoju, te je neophodno obezbijediti asistenta za pomoć u nastavi navedenim učenicima.

Poslanik/zastupnik Tarik Haverić je upozorio da u dvije OŠ „Šeih Muhamed efendija Hadžijamaković“ i „Mula Mustafa Bašeskija“ rade kotlovi za grijanje za koje su stručni timovi procijenili da su tehnički neispravni i da može doći do eksplozije u ložištu. Predstavnici škola i načelnik opštine obačali su se više puta između juna 2011 i decembra 2012 godine Ministarstvu obrazovanja Vlade Kantona Sarajevo zahtijevajući da se kotlovi zamijene. Cijena ove operacije je oko 100.000 KM. Počela je nova sezona grijanja i pitam Vladu preuzima li odgovornost za posljedice ?

Zamjenik predsjedavajuće Naser Nabil je naglasio da nije dobio dogovor Zakonodavno-pravne komisije na pitanje koje se odnosi na odluku Skupština Kantona Sarajevo u vezi plana kapitalnih investicija ZZO Kantona Sarajevo, gdje je pitao da li je odluka Skupštine u skladu sa Federalnim zakonom o zdravstvenoj zaštiti i Zakonom o zdravstvenom osiguranju.

Isto tako nije dobio odgovor na pitanje upućeno Ministarstvu zdravstva 23. septembra o.g. na 29. sjednici vezano za doktore medicne koliko ih je zaposleno iz opšte prakse i specijalista od 2001 do danas. Da li su primljeni putem konkursa, i da li je data saglasnost Ministarstva zdravstva u vezi s tim.

Uputio je pitanje ministru Lokmiću ako može da objasni šta se dešava trenutno i šta se zbiva na Farmaceutskom fakultetu UNSA? I zašto je smijenjena dekanesa i ko trenutno upravlja ovom visoko-školskom ustanovom? Je li istina da se smjenom dekanese žele zaustaviti oni koji pokušavaju dokazati ili prijaviti eventualni kriminal počinjen za vrijeme prethodne uprave. Zatražio je od Vlade i resornog ministarstva, s obzirom da je dokazano da Farmaceutskifakultet nije plaćao doprinose i ostale obaveze, zatražio je da se provjere i ostali fakulteti UNSA.

Drugo pitanje bi bilo vezano za vodu. Skupština Kantona Sarajevo je Vladi naložila da revidira odluku o poskupljenju. Dobili smo neke analize vezano za tu odluku, međutim VIK već treći mjesec izdaje i šalje račune po novoj odluci, sa enormno visokim cijenama a Vlada još uvijek nije razmotrila i nije donijela definitivnu odluku vezanu za poskupljenje vode.

Poslanik/zastupnik Branislav Crnogorac je postavio pitanje zašto još nema na sjednicama

Skupštine izvještaja o radu javnih preduzeća?

Drugo pitanje se odnosilo na PET skener koje je nedavno pušten u rad. Prema preporuci Svjetske zdravstvene federacije, jedan PET CT skener ide na milion stanovnika. U Hrvatskoj su ispoštovali tu preporuku te tako imaju pet takvih uređaja. Da li postoji mogućnost kupovine još nekog skenera? Pokrenuo je inicijativu određenog broja besplatnih, potpomognutih oplodnji za takve bračne parove koji ne mogu prirodnim putem imati djecu. Uglavnom i ti ljudi izdvajaju njihova novčana sredstva za zdravstveno osiguranje ali na žalost navedeni medicinski tretman ne spada u paket besplatnih zdravstvenih usluga. Navedeni tretman košta 4 – 6 hiljada KM, što je zasigurno za mnoge parove ogroman novac. Predložio je da se nađe način za narednu godinu da ova inicijativa bude sprovedena u djelo.

Poslanik/zastupnik Edina Papo pokrenula je inicijativu da se zaustave sva imenovanja menadžera u JKP i KJKP dok Skupština ne bude razmatrala njihove izvještaje o radu i finansijskom poslovanju za 2012 godinu.

Pitanje gđe.Papo odnosilo se na postupanje koje je dostavilo Ministarstvo obrazovanja, nauke i mladih Kantona Sarajevo prema Ministarstvu unutrašnjih poslova, a vezano za informaciju da je direktor JU OMS Ilidža opstruirao rad organa upravljanja na način da je knjigu protokola i pečat škole učinio nedostupnim školskom odboru, što ovom organu onemogućava donošenje valjanih odluka.

Drugo pitanje se odnosilo na pijacu „Sirano“ u prolazu i na Titovoj ulici gdje prodaje roba sumnjivog kvaliteta i na neprikladan način? Ovaj mali prostor odmah do spomenika oslobodiocima grada Sarajeva „Vječna vatra“ iskorištava na ružan način. Prodaja artikala poredanih na trotoaru u kutijama za cipele i na mjestu gdje u noćnim satima se odlažu veće količine smeća. Šta rade kantonalne inspekcije i zašto se ovaj prostor značajan za Sarajevo i Sarajlije bolje ne čuva i više poštuje?

Poslanik/zastupnik Besim Mehmedić je uputio pitanje ministru Lokmiću.“ Da li ste nakon stupanja na snagu Pravilnika i Federalne esencijalne liste imenovali komisiju i uputili poziv proizvođačima lijekova? Budući da je Pravilnik i Federalna esencijalna lista stupila na snagu 20. juna 2013 odnosno 20. jula 2013 na koji način su prikupljene aplikacije kada poziv proizvođaču za aplikaciju na listu lijekova nakon 20. jula 2013 nije upućen? Zašto prvi put u dosadašnjoj praksi Lista lijekova Kantona Sarajevo sadržajem ne odgovara zakonskoj obavezi da se mora primijeniti Federalna esencijalna lista jer nije uvršteno četiri lijeka na A listi, a na B listi Kantona nedostaje 26 generičkih naziva i istovremeno na B listu lijekova Kantona je uvršteno 25 generičkih naziva bez odgovarajućih zakonskih procedura od čega 12 lijekova je određeno da se participira 100% učešćem ZZO Kantona Sarajevo iako se radi o neesencijalnom lijeku.

Sljedeće pitanje uputio je ministru gđinu Lokmiću a koje se odnosi za raskid ugovora o zakupu sa JU Apoteke Sarajevo a koje koriste prostor koji se nalazi u Vrazovoj broj 11? Tužbeni zahtjev Doma zdravlja Kantona Sarajevo za raskid ugovora upućen je Općinskom sudu dana 11.oktobra o.g. ukoliko dođe do raskida ovog ugovora to će imati za posljedicu sumnju da je lobiranjem za interes privatne apoteke. Razlog ove sumnje je u činjenici da ukoliko Apoteke Sarajevo se ukolne sa lokacije u Domu zdravlja u Vrazovoj to se otvara mogućnost privatnoj apoteci da ostvaruje novčani promet na godišnjem nivou od najmanje milion KM.

Zamjenik predsjedavajuće Ivan Brigić se osvrnu na pitanje koje je postavio premijeru prije godinu dana a odnosilo se na pripremu Akcionog programa borbe protiv korupcije i kriminala. Sada je dobio odgovor na tu inicijativu Ureda za kvalitet Kantona i uglavnom taj Akcioni program nije donesen a ne može ga Ured ni donijeti. Ured može da obavlja određene administrativno tehničke poslove.

Predložio je zaključak kojim se obavezuje Vlada Kantona i resorna ministarstva da u roku od 30 dana dostave predsjedavajućoj Skupštine Kantona ili zamjenicima predsjedavajuće koji sada zamjenjuju predsjedavajuću odgovore na sva pitanja inicijative koji su pokrenuti u ovom mandatu.

Poslanik/zastupnik Sabahudin Hodžić je uputio inicijativu prema Ministarstvu saobraćaja i Vladi Kantona Sarajevo da riješe problem javnog prevoza putnika na relaciji Drvenija – Donji Velešići. Naime, na ovoj relaciji prevoz putnika se ne odvija u skladu sa registrovanim redom vožnje, odnosno već dvije godine se uopšte ne odvija.

Poslanik/zastupnik Zaim Backović: je zatražio od skupštinske službe ponovo od prve do zadnje Skupštine da muse dostavi tačno koliko sam pitanja postavio i na koliko dobio odgovore.

Drugo pitanje se odnosilo da se dostavi pregled po svim ministrima tamo gdje su oni odgovorni, školska sprema, kada su ljudi završili šta su završili, gdje su završili i po kom osnovu su postavljeni za direktore javnih preduzeća, javnih ustanova, zdravstvenih ustanova i tako redom. I to ne samo od onih koji su postavljeni na prvo mjesto, odnosno direktori, nego njihovih pomoćnika, zamjenika, izvršnih direktora i svih onih koji se smatraju odnosno im je naziv rukovodilac. Taj odgovor obzirom da je postavljen prošlo je već više sjednica nije dobio.

Prvo pitanje postavio je Vladi i Ministarstvu privrede. Tiče se operativnog plana za provođenje šumsko uzgojnih radova i radova na zaštiti šuma na području Kantona Sarajevo u 2013 godini. Kako, na koji način je moguće shodno pozitivnoj zakonskoj regulativi izvršiti raspodjelu 2 miliona KM bez javnog tendera? Ko su i kako firme koje su dobile ove poslove? Ko su i kako pojedinci koji su sklopili ugovore da rade projekte po ovim poslovima?

Drugo pitanje je uputio Vladi Kantona Sarajevo. U preduzeću Park koje je formalno pripalo političkoj opciji kojoj ja pripada, da od ukupnog broja zaposlenih imaju službenih molbih telefona više od 1/3 zaposlenih. Zatražio da dobije informaciju koliko svaka firma koja je u nadležnosti Kantona Sarajevo ima na upotrebi službenih mobilnih brojeva. Kolika je ukupna potrošnja goriva? Koliko goriva svaka firma na godišnjem nivou potroši za ta tzv. mala auta?

Poslanica/zastupnica Segmedina Srna Bajramović je izrazila nezadovoljstvo odgovorom koji se odnosi na pitanje postavljeno u vezi sa usvojenom odlukom o listi lijekova koji se izdaju i propisuju na teret sredstava Kantona Sarajevo.

Kako se Vlada također nije očitovala o inicijativi koju sam pokrenula na 28. radnoj sjednici Skupština Kantona Sarajevo održanoj 28 augusta a odnosilo se na stavljanje van snage Pravilnika o uvjetima za izbor predstavnika za izbor etažnih vlasnika koji su diskriminatornim ocijenili Helšinski komitet za ljudska prava, Institucija omudsmena za ljudska prava BiH, Ministarstvo pravde i uprave Kantona prema kojem predstavnici etažnih vlasnika ne smiju biti stariji od 65 godina, pozivala je skupštinu da se izjasni o ovoj inicijativi jer ovim pravilnikom nisu diskriminirani samo prenzioneri, njih preko 2000 nego i svi građani Kantona Sarajevo kojima je onemogućeno da sami biraju etažnog predstavnika, odnosno sami odlučuju o svojim novcima.

Zatražila je od Vlade da se očituje po pitanju sticanja profesorskog zvanja a prema izvještaju Komisije Šumarskog fakulteta Faruk Mekić ne samo da je zadržao profesorsko zvanje nego je i nagrađen i prorektorskom funkcijom?

Drugo pitanje gdje Bajramović-Srna odnosilo se na nedavna dešavanja i proteste učenika Srednje medicinske škole na Jezeru koji ukazuju na moguće nepravilnosti u izboru i zapošljavanju profesora na predmetu tjelesnog odgoja. Kako je prilikom izbora obrazloženje bilo da izmedju prijvaljenih kandidata prednost data kandidatu po osnovu Zakona o dopunskim pravima boraca Kantona Sarajevo pita resorno Ministarstvo da li je procedura izbora provedena u skladu sa Pravilnikom sa kriterijima za prijem zaspolenika u predškolskim ustanovama, osnovnim i srednjim školama? Zatražila je na uvid potpunu dokumentaciju o provedenoj proceduri izbora, od prijave kandidata, obavljenog intervjua, izvršenog bodovanja do konačnog prijema.

Poslanica/zastupnica Mira Jurić je u ime građana naselja Zabrdje, MZ Naselje heroja Sokolje, u opštini Novi Grad Sarajevo pitala koji je razlog zašto ne ide autobus gradskog prevoza u ovo naselje više od mjesec i pol. Naime građani pored kupljenih redovno kupljenih mjesečnih karata ne mogu koristiti gradski prijevoz od naselja pa do svojih radnih mjesta ili škola i isti problem ih čeka i u povratku. Zbog nedovijanja gradskog prijevoza na ulicama ovog naselja se često nalaze pješaci što ugrožava bezbjednost učesnika u saobraćaju.

Poslanik/zastupnik Elmedin Konaković je pokrenuo inicijativu koju bi trebali uputiti Konkurencijskom vijeću. Da li su po zakonu o konkurenciji u ravnopravnom položaju pravni subjekti i fizička lica samostalni prevoznici kada je riječ o pravima na korištenje i prometovanje taksi licence. Obrazloženje: pravni subjekti koji uredno plaćaju propisane obaveze vlasnici su licenci na neodređen period, dok u isto vrijeme po vašim sugestijama samostalni prevoznici koji uredno plaćaju propisane obaveze prilikom odlaska u penziju ili drugih objektivnih razloga prestanka

obavljanja ove djelatnosti licencu ne mogu dalje koristiti ili prometovati.

Njegova druga inicijativa je bila upućena KCUS, Ministarstvu zradvstva da se hitno režim odvijanja saobraćaja u krugu KCUS vrati u prijašnje stanje ili u neki drugi režim koji će riješiti saobraćajne gužve u i oko KCUS proizvedene zadnjim odlukama Menadžmenta. Ukoliko ste pokušali u toku dana parkirati auto oko KCUS mogli ste se uvjeriti koliko problema je proizvela odluka menadžmenta KCUS da se ne dozvoljava parkiranje prije svega uposlenim, koji uglavnom onda oko KCUS prave saobraćajni haos, u unutar samog KCUS su desetine ili stotine slobodnih mjesta, i time se naravno otežava i dolazak ljudi na posao koji gore rade, i proizvodi se saobraćajni haos oko KCUS i sve kraće od tri minute.

Poslanik/zastupnik Eldar Čomor uputio je pitanje Vladi Kantona Sarajevo koliko javnih ustanova u Kantonu Sarajevo koriste prostore za koje se plaća zakup i koji je to iznos na godišnjem nivou. I iz ovoga proističe jedna inicijativa da sve JU koje zakup plaćaju privatnim licima, Federaciji ili drugim pravnim subjektima, preuzmu kancelarije ili prostore naših javnih preduzeća ili JKP, kao što su Skenderija, ZOI '84 i slično. Obrazloženje kratko: svjedoci smo da mnoge naše firme i naše ustanove plaćaju zakupe. Preseljenjem tih ustanova u prostorije JP, ili JKP ovim preduzećima pomogli pogotovo Skenderiji i ZOI '84.

Zatražio je od Grasa, Vlade i resornog ministarstva da se uključe aktivno u rješavanje problema neredovnog saobraćanja vozila GRAS-a da ne bi došlo do radikalnijih mjera od strane građana i MZ.

Poslanik/zastupnik Kenan Ademović je izrazio svoje nezadovoljstvo na odgovor koji je dobio od Vlade na pitanje koje se odnosi na kriminal u JP Kantona Sarajevo, misleći na Gras, VIK, željezo koje je nestalo iz kruga Skenderije, milionski gubici Toplana, zloupotreba položaja Doma zdravlja, ZZO, milionske pronevjere u Mehometu, novac koji je dolazio u vrijeme rata itd. Odgovor koji je dobio da je to nije u nadležnosti ministarstva obrazovanja, nauke i mladih.

Njegova prva inicijativa odnosila se na donošenje zaključka da svaki tužilac Kantona Sarajevo mora imati svog daktilografa kao i u svim evropskim državama pa i u svijetu, a ne kao danas gdje Kantona Sarajevo, tj tužilac ima jednog daktilografa, pola radnog vremena a onda je taj daktilograf radi za drugog tužioca pola radnog vremena.

Prvo zastupničko pitanje se odnosilo na to ko je kriv što se stanari zgrade Bulevar Meše Selimović broj 29. napuštaju zgradu i iseljavaju za vrijeme zime jer isti nemaju grijanja. Ko je za to odgovoran, da li su to Toplane ili upravitelj OKI, jer svaki od njih prebacuje obavezu na drugu stranu? Ako su krive Toplane da li će ova Vlada sankcionisati odgovorne? Ako je kriv upravitelj OKI da li stanari mogu tražiti novog upravitelja ili će isti etažni predstavnici forsirati OKI upravitelja iz nima poznatih razloga?

Njegovo drugo zastupničko pitanje odnosilo se da se razmotri mogućnost ukidanja odjela za privredni kriminal Tužilaštva Sarajevo jer isti u zadnjih 20 godina nije podigao takvu optužnicu koja je rezultirala osuđujućom presudom onih koji su zloupotrijebili položaj i pokrali građane Kantona i FBiH, koji su izvlačili novac iz JP, i na kraju koji su opljačkali Kantona Sarajevo.

Poslanica/zastupnica Selma Filipović je svoje pitanje uputila Ministarstvu za obrazovanje, nauku i mlade. „Da li će se usvojiti kriterij za finansiranje djelatnosti osnovnog i srednjeg obrazovanja u podružnoj školi na Sedreniku Mula Mustafe Bašeskije te kada će škola imati budžet koji će biti zasnovan na relevantnim pokazateljima jer u protivnom moglo bi postati upitno obrazovanje učenika. Radi se o rekonstrukciji JU OŠ Mula Mustafa Bašeskija koja će direktno utjecati na organizaciju nastavnog procesa, prije svega na uvjet boravka učenika u školi i ugroziti će njihovo osnovno pravo na kvalitetan odgojno obrazovni rad u školama.

U ime Kluba zastupnika SBB BiH u Skupštini Kantona Sarajevo pokrenula je inicijativu za izmjenama Zakona o osnovnom odgoju i obrazovanju Kantona Sarajevo. Imajući u vidu da je u zadnjem Zakonu o izmjenama i dopunama Zakona o osnovnom odgoju i obrazovanju ugrađeno dosta diskutabilnih članova zakona koji otežavaju rad škola da su sadržaji pojedinih članova u koliziji jedni sa drugima. Da se za iste pojmove koriste različiti nazivi, da je određenim rješenjima ugroženo elementarno ljudsko pravo te da još uvijek nije urađen prečišćeni tekst zakona. Za djecu sa posebnim obrazovnim potrebama u postojećem zakonu koristi se još šest termina: između ostalog djeca sa posebnim potrebama, djeca sa smetnjama u razvoju, učenici sa posebnim

potrebama, djeca sa preprekama u učenju, mentalno retardirani učenici itd. Uskladiti predlažemo, jednoobrazan termin prijedlog: učenici sa posebnim obrazovnim potrebama“.

Poslanik/zastupnik Hadžem Hajdarević svoje pitanje uputio premijer Suadu Zeljkoviću na koji je način bez provedene zakonske procedure odobrena preraspodjela sredstava kojima je omogućeno da na takmičenje specijalnih jedinica sa specijalcima u Ameriku putuju između ostalih i osobe čiji opis poslova nije imao nikakve veze za Jedinicom za specijalističku podršku. A posebno nije imao vezu sa takmičenjem? Budžetom Kantona Sarajevo u tu je svrhu bilo predviđeno 50.000 maraka, međutim usljed iznenadnog povećanja turističke ekspedicije zatraženo je još toliko novca. Imamo informaciju da su ovoj sumnjivoj transakciji akteri na vrijeme upozoreni od odgovornih osoba.

Drugo pitanje odnosilo se na to da je ministar unutrašnjih poslova Nermin Pećanac nagradio inspektore MUP-a protivzakonitim dodatkom odnosno novim novčanim naknadama. To je učinjeno bez odgovorajućeg obrazloženja. Prije izvjesnog vremena potpisana odluka kojom se samo glavnim inspektorima povećava dodatak na platu sa 30 na 40% i to retroaktivno.

Njegova inicijativa se odnosila da samo studenti UNSA imaju povlasticu u korištenju prijevoznčkih usluga Grasa dok drugi studenti nemaju nikakve prijevozničke povlastice.

Poslanik/zastupnik Mujo Hošić je svoje pitanje obrazložio riječima:“Prije godinu i pol dana poslije jednog ubistva u MZ Sokolović Kolonija i višednevnih protesta građana iste MZ održan je sastanak predstavnika općine Ilidža, MZ i ministra MUP-a Budimlića. Tada je dogovoreno u najkraćem mogućem vremenu će biti obezbijeđeno 24- satno prisustvo policijskih službenika u MZ Sokolović Kolonija. MZ i općina Ilidža su obezbijedili prostore i prošle je godinu i pol dana i od tog dogovora nema ništa. Znači apelujem na MUP bez obzira što je došlo do promjene u Ministarstvu obaveza i obećanje građanima MZ Sokolović Kolonija Ilidža da se ispuni to obećanje.

Pitanje poslanika/zastupnika Nedžada Fazlije odnosilo se na izgradnju podzemne garaže kod Narodnog pozorišta.

Resorni ministar se obratio na petoj sjednici opštinskog vijeća Centar 28. marta 2013 godine na kojoj je u ime Vlade Kantona Sarajevo zatražio da Općinsko vijeće Centar donese odluku o davanju naknadne saglasnosti Vladi Kantona Sarajevo za raspolaganje gradskim građevinskim zemljištem u cilju davanja koncesije za izgradnju javne podzemne garaže kod Narodnog pozorišta. Sedam mjeseci kasnije istom Općinskom vijeću Centar na njihovoj 11. sjednici od 31. oktobra, znači nedavno, resorni ministar saobraćaja Kantona Sarajevo dostavio je informaciju o stanju izgradnje podzemne garaže na tom lokalitetu. Na istoj sjednici Općinsko vijeće Centar donijelo je odluku o poništenju Odluke o davanju naknadne saglasnosti Vladi Kantona Sarajevo za raspolaganje gradskim građevinskim zemljištem u cilju davanja koncesije. Kako je Vlada Kantona Sarajevo uopće mogla pristupiti davanju koncesije na imovinu koja je vlasništvo Općine Centar potpisujući ugovor o koncesiji a da pri tom nije imala niti jednu saglasnost Općine Centar kao titulara predmetne imovine? Kako je sada nakon tri godine iznenada došlo do ocjene da je ugovor o koncesiji štetan za Kantona Sarajevo a da se o tome nije razmišljalo prije potpisivanja predmetnog ugovora?

Sljedeće pitanje je uputio Ministru finansija i Ministrici pravde i uprave na koji način se vrši izrada i štampanje taksenih markica odnosno sudskih taksi? Gdje se štampa i ko ih štampa? Ko i kako se vrši nadzor i kontrola štampanja taksenih markica? Kako se kontroliše broj odštampanih, distribuiranih i prodatih markica? Da li taksene markice imaju neku sigurnosnu zaštitu o falsifikovanju u vidu vodenog žiga ili serijskog broja? Gdje se čuvaju i pod čijim nadzorom su klišeji za štampanje? Koliko se ubere sredstava po osnovu taksi na godišnjem nivou?

Na kraju uputio je zastupničku inicijativu da se parkomati u Kantona Sarajevo daju na upravljanje i održavanje KJKP Rad u čijem je interesu da se oni u najkraćem roku poprave i podese na tačno vrijeme. Time bi se izbjeglo nepotrebno angažovanje radnika na naplati parkinga i postigle značajne uštede.

Poslanica/zastupnica Hanka Vajzović je postavila pitanje koje se odnosilo na studentske domove u Nedžaričima u koje su kao što je poznato nakon odlaska IPTF-a useljenje agencije iz sastava Ministarstva sigurnosti. Šta je sa nekim ranijim planovima da im se objekat proda.

Njena inicijativa se odnosila na pokretanje procedura preispitavanja ili izmjena i dopuna Zakona o plaćama i naknadama u organima vlasti Kantona Sarajevo i to člana 11 kojim se uređuju naknade plaća nakon prestanka javne funkcije. Ona smatra da bi takvu mogućnost nezasluženog primanja

plaće tokom čitave jedne godine nakon prestanka mandata bez ikakvog rada trebalo potpuno ukinuti ili u najmanju ruku pravednije i preciznije odrediti kako se zloupotrebe ne bi ponavljale i kako se ne bi tako bezočno krčmila i onako decitirana budžetska sredstva.

Drugo pitanje uputila je ministru Bandiću pa i ostalim članovima Vlade. „Poznato je naime da su nakon ponovljenog konkursa izabrani predsjednici i članovi UO JU iz oblasti rada, socijalne politike, raseljenih lica i izbjeglica. Riječ je o osam ustanova sa po pet odabranih kandidata, nakon što sam bila u prilici pregledati spiskove odabranih uočila sam da od njih ukupno 40 nebošnjaka ima samo pet ili šest. Kada smo u nekoj ranijoj prilici govorili o nužnosti poštivanja pravednije nacionalne zastupljenosti, kazano je da nije bilo dovoljno kandidata drugih nacionalnosti pa je onda u nekom revidiranom odabiru negodujući pitam: zašto u UO Kantonalnog centra za socijalni rad nije imenovana Prof. Dr. Milanka Miković bez pretjerivanja vodeći stručnjak u ovoj oblasti u državi? I isto tako, zašto u neki od UO za koje se prijavila nije izabrana kandidatkinja hrvatske nacionalnosti koja je viši asistent na odsjeku za socijalni rad Fakulteta političkih nauka, kao neko ko je, a to je bilo u njenom CV-u ne samo diplomirani socijalni radnik, već i magistar prava i doktorant iz ovih oblasti, posebno socijalnog i zdravstvenog zbrinjavanja osoba sa invaliditetom. A i u tu se ustavnovu prijavila.“

Poslanik/zastupnik Esed Radeljaš je tražio od resornog ministarstva da u budžetu za 2014 godinu uvrsti i planira da se prizna i odvoje sredstva za taj tzv nepriznati kadar u JU zdravstva. U svim JU, domovima zdravlja, bolnicama, bolnici Naka i KC i svim drugim, a ne da iz materijalnih troškova daju plaće i onda ne mogu da kupe potrošni materijal odnosno potrebe koje su potrebe osoblju, bolnicama i drugim.

Poslanik/zastupnik Mirsad Pindžo je predložio zaključak da se obavezuju Skupštine svih KJP da za sljedeću sjednicu Skupština Kantona Sarajevo dostave izvještaj o poslovanju preduzeća za 2012. sa ocjenom stanja i prijedlogom mjera za prevazilaženjem problema u poslovanju.

Sekretar Abid Kolašinac odgovarajući na pitanje zastupnika Backovića je rekao da je Skupštinska služba sva zastupnička pitanja koja je postavio zastupnik Backović su mu dostavljena. Nisu mu dostavljena pitanja niti su mogla ona koja je on usmeno postavio. Član 214. Poslovnika kaže da je zastupnik dužan u pisanoj formi do kraja zasjedanja Skupštine dostaviti zastupničko pitanje. Ukoliko ne dostavi smatra se da nije ni postavljeno pitanje.

Poslanik/zastupnik Zaim Backović je replicirao sekretaru Skupštine riječima da je Zakon iznad Poslovnika. Zakon je definisao šta je to forma. A forma je i mail. To je pisana forma dokumenta koja se u oficijalnoj korespodenciji priznaje kao sudski dokument. Ako ja nešto mailom dostavim, to je pisana forma. U buduće će tražiti na svako pitanje koje usmeno postavi da mu se odmah usmeno odgovori.

Poslanik/zastupnik Predrag Kojović se osvrnuo na elektronsko slanje poslaničkih pitanja ističući da je usvojen federalni Zakon koji je izjednačio elektronsku i pisanu formu. Znači Zakon nije uveo novu kategoriju u smislu da se elektronska forma komunikacije uvodi kao novi način zvaničog komuniciranja nego je izjednačio elektronsku formu dokumenta i pisanu formu dokumenta. Tako da primjena ovoga shvatanja ne zahtijeva promjenu Poslovnika, nego samo zahtjeva da se pod pisanom formom podrazumijeva i dokument koji postoji u elektronskoj formi.

Zamjenik predsjedavajuće Ademović je rekao da će na Kolegiju pokrenuti inicijativu da se u skladu, sa donošenim federalnim zakonom izmjene članovi Poslovnika koji se odnose na dostavljanje poslaničkih pitanja i u elektronskoj formi.

Premijer Suad Zeljković je u jednom kratkom sažetku dao integralni osvrt na pitanja koja su poslanici/zastupnici postavili.

Ispravka krivog navoda poslanika/zastupnika Predraga Kojovića odnosila se na njegovu inicijativu

u kojoj se spominje Konjević polje je bila upućena prema Vladi i odnosila se na utvrđivanje sindroma Konjević polje u Kantonu Sarajevo.

Poslanik/zastupnik Besim Mehmedić je u ime Kluba nezavisnih poslanika, ponovo tražio da se dostave izvještaji o poslovanju JKP, koji su se trebali razmatrati u februaru odnosno u martu .

Zamjenik predsjedavajuće Naser Nabil, ponovo se osvrnuo na rad Farmaceutskog fakulteta koji nije isplaćivao sedam do osam godina doprinose. Gdje su inspektorati bili? Gdje je inspekcija bila? Zašto Vlada proces prijave eventualnih nezakonitih radnji vraća na početak jer već Tužilaštvo poduzelo određene mjere, jer je dekanesa već prijavljena koja je prijavila eventualni kriminal i te stvari, smijenjena, valjda joj nagrada što je smijenjena i ko sada obnaša tu funkciju na farmaceutskom fakultetu?

Pitanje poslanika/zastupnika Nedžada Fazlije odnosilo se na odlazak našeg tima za Specijalnu podršku na takmičenje u Americu koje je postavio njegov kolega Hadžem Hajdarević. Hadžem nije ni jednom spomenuo taj tim nego dva čovjeka spomenuo koja su dodata tom timu, odnosno u budžetu je planirano 50.000 KM a onda za ova dva čovjeka je dodato još 50.000 KM. Na kraju je zaželio uspješan nastup u Americi Jedinice za specijalističku podršku.

Odgovarajući na dodatna pitanja poslanika/zastupnika premijer Zeljković je iznio svoj a i stav Vlade na na pitanja koja su bila upućena Vladi i njemu lično.

Pored Premijera javio se i ministar Čedomir Lukić, koji se osvrnuo na pitanje zastupnice Segmedine Bajramović Srna, koje se odnosilo na stavljanje van snage pravilnika o izboru i uvjetima predstavniak etažni vlasnika . Kada se radi o predstavnicima etažnih vlasnika, donošenjem zakona, usvajanjem u prethodnim godinama i analiza u oblasti upraviteljstva konstatovali zajedno sa ministarstvom da je karika predstavnika etažnih vlasnika jedna od najznačajnijih u lancu upraviteljstva. To je jedan izuzetno važan radni zadatak u oblasti upraviteljstva za koji smo zadnjim zakonom propisali da se treba donijeti pravilnik sa uvjetima za izbor predstavniak etažnih vlasnika, to je učinjeno i u okviru tog pravilnika je tačno definisana starosna dob onih koji mogu da izvršavaju ovako složen i važni zadatak. I on je u skladu sa propisima koji definišu radnu sposobnost ili radni angažman svih nas. I usklađen pa i određen u okviru starosne dobi do 65 godina. Naravno imajući saznanja da dio predstavnika etažnih vlasnika koji su veće starosne dobi od 65 godina u najčešćem broju slučajeva ne mogu da izvršavaju adekvatno ovako važan zadatak smo i ovaj kriterij uveli. Naravno da u objektima u kojima imate 50 ili više etažnih vlasnika mora postojati jedna osoba koja će biti zadužena da takav posao radi. To ne mogu raditi svi etažni vlasnici u jednom objektu.

Poslanici/zastupnici Segmedina Srna Bajramović i Zaim Backović su zatražili ispravke krivog navoda koje se odnose na iznošenje netačnih podataka kao i to da etažni vlasnici određuju svoje predstavnike a da pružaoci usluga obzirom na postojeće staje ne rade i ne pružaju usluge koje treba da pružaju građanima.

Ministar Eldan Lokmić je iz svog resora pokušao odgovoriti na pitanja poslanika/zastupnika Fazlije, Hajdarevića, dr. Nabila, Srne-Bajramović, Crnogorca i Mehmedića.

Svoja dodatna pitanja imali su zastupnici Crnogorac Branislav, Naser Nabil, Nedžad Fazlija, Čardžić Damir, i Mehmedić Besim. Nihova pitanja odnosila su se na zapošljavanje ljekara i specijalista opšte prakse, dostavljanje kompletne dokumentacije o imenovanju UO i NO izoblasti zdravstva, esencijalne liste lijekova...

Kako nije bilo više poslaničkih/zastupničkih pitanja sekretar Abid Kolašinac je pročitao inicijativu Eldara Čomora na koju se očitovala Vlada Kantona Sarajevo i izvršila određene korekcije, koja glasi:

1. „Skupština Kantona Sarajevo daje punu podršku Ministarstvu za boračka pitanja Kantona

Sarajevo da u skladu sa zakonskim ovlaštenjima i svim drugim mogućnostima a u okviru predviđenih sredstava za finansiranje pravne pomoći u korist branilaca BIH u budžetu Kantona Sarajevo pruži sve vrste pomoći osumnjičenim i optuženim bivšim pripadnicima ARBIH u predmetima ratnih zločina do pravosnažnosti presude i kao i članovima njihovih porodica.

2. Obavezuje se Ministarstvo za boračka pitanja da putem Fondacije koje su registrovane za navedene vrste djelatnosti aktivira sve mogućnosti u cilju pravne finansijske i materijalne pomoći osumnjičenim i optuženim bivšim pripadnicima ARBIH u predmetima ratnih zločina do pravosnažnosti presude i njihovim porodicama“

Pristupilo se izjašnjanju o Inicijativi.

Od prisutnih 31 , ZA je glasalo 21, uzdržan 1, ukupno glasalo 22. nije glasalo 9.

Gosp. Ademović je konstatovao da je ovaj Zaključak dobio potrebnu većinu.

Sekretar Abid Kolašinac je pročitao Zaključke dopredsjedavajućeg Ivana Brigića koji glase:

1. Skupština Kantona Sarajevo obavezuje Vladu Kantona, resorna ministarstva da u roku od 30 dana dostave predsjedavajućem, odnosno predsjedavajućoj, zavisi ko bude, Skupštine Kantona i zastupnicima koji su postavili pitanja ili pokrenuli inicijative sve odgovore u skladu sa Poslovnikom Skupštine Kantona.
2. Obavezuje se predsjedavajući, odnosno zamjenik predsjedavajućeg, koji presjedava skupštinom da zakaže konstituirajuću sjednicu Etičkog vijeća na kojoj se će izabrati predsjedavajući, odnosno predsjednik i zamjenik predsjedavajućeg Etičkog vijeća u skladu sa Etičkim kodeksom i Poslovnikom Skupštine Kantona Sarajevo.“

Pristupilo se izjašnjanju o Zaključcima.

Gosp. Ademović je konstatovao da od ukupno prisutnih 31 glasalo 26, ZA je glasalo 26, 5 nije glasalo.

Sekretar Abid Kolašinac je pročitao zaključak koji je predložio Pindžo Mirsad.

1. Obavezuje se Skupština svih KJP da za sljedeću sjednicu Skupština Kantona Sarajevo krajem novembra dostave izvještaje o poslovanju preduzeća za 2012 godinu, sa ocjenom stanja u istim i prijedlogom mjera za prevazilaženje problema u poslovanju.

Pristupilo se izjašnjanju o predloženom Zaključku.

Gosp. Ademović je konstatovao da od ukupno prisutnih 31, glasalo je 26 ZA, ukupno glasalo 26, 5 nije glasalo.

Sekretar Abid Kolašinac je pročitao zaključak zastupnice Segmedine Srna-Bajramović koji glasi:

Nalaže se Vladi da stavi van snage članove Pravilnika o uvjetima za izbor predstavnika etažnih vlasnika koji se odnose na godine starosti predstavnika etažnih vlasnika.

Poslanik/zastupnik Elmedin Konaković je poslaničkom intervencijom upozorio da eventualnim glasanjem na ovaj način Skupština Kantona Sarajevo uzima direktne nadležnosti ministra propisane zakonom.

Odgovarajući na poslaničku intervenciju zastupnika Konakovića, sekretar Abid Kolašinac je istakao da je činjenica da je ovo isključiva nadležnost izvršne vlasti, odnosno Vlade da donosi pravilnike podzakonske akte, Na osnovu člana 206. Poslovnika Skupština vrši nadzor nad radom Vlade,



njenih ministarstava i drugih kantonalnih organa uprave. Predložio je da se preformuliše zaključak tako da glasi „ Traži od Vlade odnosno resornog ministra da preispita zakonitost člana koji se odnosi na starost predstavnika etažnih vlasnika.

Znači traži se od Vlade da preispita članove koji se odnose na starost etažnih vlasnika da li su u skladu zakonom ili ne?“

Poslanik/zastupnik Segmedina Srna je ostala pri prvom prijedlogu zaključka i tražila da se o njemu izjasne poslanici.

Pristupilo se izjašnjavanju o predloženoj inicijativi.

Od ukupno pristunih 30, glasalo je 17, nije glasalo 13. Za je glasalo 9, uzdržanih 4, protiv 4.

Gosp. Ademović je konstatovao da ova inicijativa ili zaključak nije dobio potrebnu većinu.

Sekretar Abid Kolašinac je pročitao zaključak koji je formulisao gosp. Konaković a upućeno je Konkurencijskom vijeću koje glasi:

„Da li su po zakonu o konkurenciji u ravnopravom položaju pravni subjekti i fizička lica, samostalni prevoznici, kada je riječ o pravima na korištenje taksi licence“.

Nakon što je napravljena korekcija na ovome pitanju pristupilo se izjašnjavanju.

Od prisutnih 30, ZA je glasalo 26 ukupno je glasalo 26, nije glasalo 4.

Gosp. Ademović je konstatovao da je ovaj zaključak dobio potrebnu većinu.

Zamjenik predsjedavajuće Ademović je dao pauzu u radu Skupštine jedan sat.

#### NASTAVAK NAKON PAUZE

AD -3.

Informacija o stepenu realizacije skupštinskih zaključaka za čiju je realizaciju zadužena Vlada Kantona Sarajevo.

Za praćenje realizacije navedenih zaključaka i podnošenja izvještaja po istom zadužen je sekretar Skupštine Kantona Sarajevo, koji je rekao da do početka sjednice nije dobio nikakvu pisanu informaciju o realizaciji bilo kojeg zaključka Skupštine.

Poslanik/zastupnik Nedžad Fazlija je podsjetio prisutne da je Skupština na prošloj sjednici donijela zaključak da se zaduži Vlada da hitno preispita svoju odluku o poskupljenju vode i da o tome obavijesti Kolegij, skupštinu i javnost. Kako Vlada nije do sada izašla sa obrazloženjem, smatra da je potrebno otvoriti diskusiju o ovom pitanju.

Poslanik/zastupnik Eldar Čomor je napomenuo da je očekivao informaciju o radu Fondacije za istinu, pravdu i dostojanstvo. I današnja inicijativa kojom se mijenao zaključak iz 2011. godine zapravo razlog je rad ili ne rad te Fondacije, pa da se za iduću sjednicu dostavi informacija odnosno Izvještaj o radu ove Fondacije o utrošku sredstava iz Budžeta Kantona Sarajevo kao i nalaz budžetske inspekcije koja vrši nadzor nad ovom Fondacijom.

Odgovarajući na postavljena pitanja Premijer Suad Zeljković je rekao da su zaključci u postupku realizacije. Kada bude materijal pripremljen bit će dostavljen poslanicima Skupštine.

Kako nije bilo više prijavljenih gosp. Ademović je zaključio raspravu po ovoj tački .

AD – 4.

## PRIJEDLOG ZAKONA O LOKALNOJ SAMOUPRAVI

Poslanici/zastupnici su ovaj prijedlog Zakona dobili uz poziv za sjednicu.

Uvodne napomene ovom Zakonu podnijela je ministrica Velida Memić.

Ispred Komisije za privredu ekonomsku i finansijsku politiku javio se poslanik/zastupnik Eldar Čomor koji je istakao da Komisija za privredu, ekonomsku i finansijsku politiku nije podržala prijedlog zakona o lokanoj samoupravi, te predložila dva zaključka:

1. Prijedlog Zakona o lokanoj samoupravi je trebao pratiti Zakon o pripadnosti javnih prihoda i
2. Potrebno je regulisati da se primjenom zakona ne smije dovesti do povećanja administracije u jedinicama lokalne samouprave a da pri tome ne dodje do smanjena administracije u Kantonu Sarajevo, znači u onim oblastima koje se prenose sa Kantona na jedinice lokalne samouprave.

U otvorenoj raspravi učestvovali su :Elmedin Konaković,Naser Nabil, Eldar Čomor, Adnan Solaković, Mujo Hošić,Damir Čardžić,Ivan Brigić,Nedžad Fazlija,Mirsad Pindžo, Zaim Backović, Kenan Ademović, Branislav Crnogorac, Tarik Haverić,Kemal Ademović, a ispred Vlade ministar Muhamed Kozadra i ministrica Velida Memić.

Kako nije bilo više prijavljenih zastupnika pristupilo se izjašnjanju o amandmanima koje je podnio Klub SDP-a.

Ukoliko je amandmane Kluba zastupnika SDP Vlada prihvatila o istim se Skupština ne izjašnjanja i oni postaju sastavni dio ovoga Zakona.

Poslanik/zastupnik Nedžad Fazlija je izjavio da Klub SDP ostaje pri svojim amandmanima i traže da se ova Skupština o njima očituje.

Pristupilo se izjašnjanju o amandmanima.

### AMANDMAN I

U članu 10. tačka (1) iza tačke h), dodaje se nova tačka i) koja glasi: „i upravljanje privremenim korištenjem javnih površina“.

Od prisutnih 30 glasalo je 26, od toga 11 za, uzdržanih 11, 4 protiv i 4 nisu glasala.

Zamjenik predsjedavajuće je konstatovao da Skupština nije usvojila ovaj amandman.

### AMANDMAN II

U članu 10. tačka (1) iza tačke i), dodaje se nova tačka j), koja glasi: „Nadležnosti iz Člana 156. stav (1), alineja 9. Zakona o srednjem obrazovanju Kantona Sarajevo prenose se na Grad Sarajevo“.

Od prisutnih 29, ukupno je glasalo 25, ZA 9, uzdržanih 11, protiv 5, 4 nisu glasala.

Zamjenik predsjedavajuće je konstatovao da Skupština nije usvojila ovaj amandman.

### AMANDMAN III

U članu 10. tačka (1) iza tačke j), dodaje se nova tačka k), koja glasi: „izgradnja, upravljanje, finansiranje i unapređenje cesta i puteva kategoriziranih kao ceste i putevi od gradskog značaja“.

Od prisutnih 29, ukupno glasalo 24, 10 ZA, uzdržanih 11, protiv 3, 5 nije glasalo.

Zamjenik predsjedavajuće je konstatovao da Skupština nije usvojila ovaj amandman.

### AMANDMAN IV

U članu 10. tačka (1) iza tačke k), dodaje se nova tačka l), koja glasi: „donošenje propisa o uslovima izgradnje i visini naknada za postavljanje reklamnih panoa i znakova u priobalnoj zaštitnoj zoni na području Grada“.

Od prisutnih 29, ukupno je glasalo 24, ZA 9, uzdržanih 11, protiv 4, nije glasalo 5.

Zamjenik predsjedavajuće je konstatovao da Skupština nije usvojila ovaj amandman.

### AMANDMAN V

U članu 9. tačka 1d, stav 5, i u članu 11. tačka 1d, stav 4 briše se tačka, dodaje se zarez i tekst koji glasi: „uključujući i izdavanje svih urbanističkih i građevinskih saglasnosti“.

Od prisutnih 29, ukupno je glasalo 25, ZA 8, uzdržanih 12, protiv 5, nije glasalo 4.

Zamjenik predsjedavajuće je konstatovao da Skupština nije usvojila ovaj amandman.

### AMANDMAN VII

U članu 11., tačka (1), iza tačke (k) dodaje se nova tačka l) koja glasi: „utvrđivanje politike predškolskog obrazovanja, unapređenje mreže ustanova, te upravljanje i finansiranje javnih ustanova predškolskog obrazovanja“.

Ostale tačke iz člana 11. pomjeraju se u skladu sa abecednim redom, tačka l) postaje m), tačka m) postaje n) i tako redom.

Od prisutnih 29, ukupno je glasalo 25, ZA 8, uzdržanih 13, protiv 4, nije glasalo 4.

Zamjenik predsjedavajuće je konstatovao da Skupština nije usvojila ovaj amandman.

### AMANDMAN VIII

U članu 22., tačka (2), riječi: „12 mjeseci“, zamjenjuju se riječima „najkasnije do 1.09.2014. godine“.

Od prisutnih 29, ukupno je glasalo 25, ZA 8, uzdržanih 13, protiv 4, nije glasalo 4.  
Zamjenik predsjedavajuće je konstatovao da Skupština nije usvojila ovaj amandman.

#### AMANDMAN IX

U članu 22., dodaje se nova tačka (3) koja glasi: „u slučaju neusuglašenosti drugih zakona sa ovim Zakonom primjenjivat će se odredbe ovog Zakona“.

Predložena tačka (3) postaje tačka (4) i tako dalje numeričkim redoslijedom.

Od prisutnih 29, ukupno je glasalo 25, ZA 8, uzdržanih 13, protiv 4, nije glasalo 4.  
Zamjenik predsjedavajuće je konstatovao da Skupština nije usvojila ovaj amandman.

#### AMANDMAN X

U članu 23., tačka na kraju rečenice se briše, dodaje se zarez i tekst koji glasi: „a najkasnije do 1.09.2014. godine“.

Od prisutnih 29, ukupno je glasalo 23, ZA 7, uzdržanih 12, protiv 4, nije glasalo 6.

Zamjenik predsjedavajuće je konstatovao da Skupština nije usvojila ovaj amandman.

Prije prelaska na izjašnjavanje o Prijedlogu zakona o lokalnoj samoupravi zamjenik predsjedavajuće Nabil Naser je zatražio poslovničku intervenciju, kazavši da povodom obraćanja gdina Sivre, da je Skupština dobila dopis od Udruženja samostalnog sindikata osnovnog obrazovanja i odgoja Kantona Sarajevo, koji je u potpisu gospodin Ibrahim Dedić, u kom stoji da je jedini legitimi predstavnik Udruženja sindikata osnovnog odgoja i obrazovanja Kantona Sarajevo je ovo što je u adresi Jukićeva 120 a gdje je predsjednik gospodin Dedić. Zatražio je od gdina Sivre da se izjasni koga on predstavlja i u koje ime će se obratiti .

Zamjenik predsjedavajuće Kemal Ademović je predložio da Skupština donese zaključak kojim će zadužiti Vladu da u roku od 30 dana kroz Ministarstvo pravde, Ministarstvo unutrašnjih poslova izvrši provjeru ovdje su navedene inkriminacije.

Zatražio je od zastupnika da se izjasne da li će potvrditi stav Kolegija o dozvoli obraćanja Saudinu Sivri.

Od prisutnih 28, ZA je glasalo 18, suzdržanih 1, protiv 4, nije glasalo 5.

Gosp. Ademović je konstatovao da je Skupština donijela odluku da se gospodin Sivro obrati prisutnim poslanicima/zastupnicima.

Poslije obraćanja gdina. Sivre gdn. Ademović je predložio da se donese sljedeći Zaključak:

Zadužuje se Vlada da putem ministarstava izvrši provjere i navode iz pisma predsjednika Sindikata osnovnog obrazovanja Kantona Sarajevo i da u potpisu stoji Ibrahim Dedić, u aktu koji je protokolisan i upućen svim predsjednicima klubova zastupnika i skupštinskom rukovodstvu od 29.10.2013. te da nas o navedenim provjerama rezultata obavijesti pismeno.

Od prisutnih 28, Za je glasalo 18, suzdržanih 3, protiv nije bilo.

Gdin Ademović je konstatovao da je ovaj zaključak doio potrebnu većinu i zadužio sekretara Skupštine da zaključak uputi Vladi Kantona Sarajevo.

Pristupilo se izjašnjavanju o Zakonu o lokalnoj samoupravi.

Od prisutnih 28, ZA je glasalo 9, uzdržanih 5, protiv 13.

Dopredsjedavajući Ademović je konstatovao da Prijedlog Zakona o lokalnoj samoupravi NIJE DOBIO POTREBNU VEĆINU.

AD – 5.

PRIJEDLOG ZAKONA O PROGLAŠENJU ZAŠTIĆENOG PEJZAŽA „TREBEVIĆ“

Prijedlog ovog Zakona poslanici su dobili uz poziv za sjednicu.

Ispred predlagača obratio se ministar Zlatko petrović koji je obavijestio prisutne da povlači ovu tačku dnevnog reda.

AD – 6.

PRIJEDLOG ODLUKE O IZMJENAMA I DOPUNAMA ODLUKE O OSNIVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA

Premijer Suad Zeljković je ispred predlagača povukao ovu tačku dnevnog reda.

AD 7 – AD 10.

Tačke od 7 do 10 odnose se na Prijedloge odluka o davanju saglasnosti na statute JU iz oblasti zdravstvene zaštite.

7. Prijedlog odluke o davanju saglasnosti na Statut JU Zavod za zdravstvenu zaštitu zaposlenika MUP-a Kantona Sarajevo;
8. Prijedlog odluke o davanju saglasnosti na Statut JU Zavod za zdravstvenu zaštitu žena i materinstva Kantona Sarajevo;
9. Prijedlog odluke o davanju saglasnosti na Statut JU Zavod za hitnu medicinsku pomoć Kantona Sarajevo;
10. Prijedlog odluke o davanju saglasnosti na Statut JU Zavod za medicinu rada Kantona Sarajevo;

Dopredsjednik Ademović je predložio da rasprava o tačkama dnevnog reda 7.,8.,9. 10. Bude jedinstvena a izjašnjavanje pojedinačno. Od prisutnih 28, ZA je glasalo 21, nije bilo protiv i uzdržanih, nije glasalo 7.

Uvodna izlaganja o ovim tačkama dnevnog reda podnio je ministar Eldan Lokmić.

U raspravi su učestvovali: Esed Radeljaš (u ime Komisije za zdravstvo), Zaim Backović, Mujo Hošić i Mirsad Pindžo.

Pristupilo se izjašnjavanju o predloženim tačkama dnevnog reda:

AD – 7.

PRIJEDLOG ODLUKE O DAVANJU SAGLASNOSTI NA STATUT JU ZAVOD ZA ZDRAVSTVENU ZAŠTITU ZAPOSLENIKA MUP-A KANTONA SARAJEVO

OD PRISUTNIH 26, GLASALO JE 23, ZA 23, NIJE BILO UZDRŽANIH I PROTIV.

Dopredsjedavajući je konstatovao da je Skupština Kantona donijela ODLUKU O DAVANJU SAGLASNOSTI NA STATUT JU ZAVOD ZA ZDRAVSTVENU ZAŠTITU ZAPOSLENIKA MUP-A KANTONA SARAJEVO

AD – 8.

PRIJEDLOG ODLUKE O DAVANJU SAGLASNOSTI NA STATUT JU ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO

OD PRISUTNIH 26, GLASALO JE 24, ZA 24, NIJE BILO UZDRŽANIH I PROTIV, NIJE GLASALO 2.

Dopredsjedavajući je konstatovao da je Skupština Kantona donijela ODLUKU O DAVANJU SAGLASNOSTI NA STATUT JU ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO

AD – 9.

PRIJEDLOG ODLUKE O DAVANJU SAGLASNOSTI NA STATUT JU ZAVOD ZA HITNU MEDICINSKU POMOĆ KANTONA SARAJEVO

OD PRISUTNIH 26, GLASALO JE 24, ZA 24, NIJE BILO UZDRŽANIH I PROTIV, NIJE GLASALO 2.

Dopredsjedavajući je konstatovao da je Skupština Kantona donijela ODLUKU O DAVANJU SAGLASNOSTI NA STATUT JU ZAVOD ZA HITNU MEDICINSKU POMOĆ KANTONA SARAJEVO

AD – 10.

PRIJEDLOG ODLUKE O DAVANJU SAGLASNOSTI NA STATUT JU ZAVOD ZA MEDICINU RADA KANTONA SARAJEVO

OD PRISUTNIH 25, ZA 23, NIJE BILO UZDRŽANIH I PROTIV, NIJE GLASALO 2.

Dopredsjedavajući je konstatovao da je Skupština Kantona donijela ODLUKU O DAVANJU SAGLASNOSTI NA STATUT JU ZAVOD ZA MEDICINU RADA KANTONA SARAJEVO

Poslanik/zastupnik Mirsad Pindžo je predložio da Vlada Kantona Sarajevo da za sljedeću sjednicu Skupštine dostavi dopunjen Statut JU „Domovi zdravlja Kantona Sarajevo“ sa skupštinskom odlukom vezanom za usvajanje.

Od prisutnih 25, ZA je glasalo 24, 1 nije glasao. Nije bilo uzdržanih i protiv.

Dopredsjedavajući je konstatovao da je Skupština Kantona donijela Zaključak kojim se obavezuje Vlada Kantona Sarajevo da na istovjetan način riješi i Domove zdravlja Kantona Sarajevo izmjenu statuta.

AD – 11.

**PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2013. GODINU, STOMATOLOŠKOG FAKULTETA SA KLINIKAMA U SARAJEVU**

Prijedlog odluke poslanici/zastupnici su dobili uz poziv za sjednicu.

Uvodna izlaganja o ovoj tački dnevnog reda podnio je ministar Eldar Lokmić.

Ispred Komisije za budžet i finansije priautnima se obratio poslanik/zastupnik Mirsad Pindžo, ističući stav Komisije da nema nikakvog smisla u novembru davati saglasnost za program rada i finansijski plan bilo koje javne ustanove jer je kraj godine. Predložio je zaključak koji je usvojila Komisija da se svi programi rada i finansijski planovi dostavljaju zajedno sa donošenjem Budžeta Kantona Sarajevo. I da se na istoj sjednici daje saglasnost za sve ustanove koje se finansiraju iz budžeta.

U raspravi su učestvovali slijedeći poslanici/zastupnici: Mujo Hošić, Zaim Backović, Naser Nabil i Adnan Solaković.

Na kraju ispred predlagača prisutnima se obratio ministar Eldan Lokmić.

Pristupilo se izjašnjanju o RIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2013. GODINU, STOMATOLOŠKOG FAKULTETA SA KLINIKAMA U SARAJEVU.

Od prisutnih 26, za je glasalo 23, protiv 2, nije bilo uzdržanih.

Gosp. Ademović konstatovao da Skupština je donijela ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2013. GODINU, STOMATOLOŠKOG FAKULTETA SA KLINIKAMA U SARAJEVU.

**AD – 12.**

**PRIJEDLOG ODLUKE O DAVANJU IMENA TRGU NA PODRUČJU OPĆINE VOGOŠĆA**

Prijedlog ove odluke poslanici/zastupnici su dobili uz poziv za sjednicu.

Uvodne napomene o ovoj tački dnevnog reda podnio je sekretar Abid Kolašinac.

Kako nije bilo prijavljenih diskutanata pristupilo se izjašnjanju o PRIJEDLOGU ODLUKE O DAVANJU IMENA TRGU NA PODRUČJU OPĆINE VOGOŠĆA

Od prisutnih 26, za je glasalo 23, nije bilo uzdržanih i protiv.

Gosp. Ademović konstatovao da Skupština je donijela ODLUKU O DAVANJU IMENA TRGU NA PODRUČJU OPĆINE VOGOŠĆA

**AD – 13.**

## **PRIJEDLOG ODLUKE O DOPUNI ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO**

Prijedlog ove odluke poslanici/zastupnici su dobili uz poziv za sjednicu.

Ispred predlagača prisutnima se obratila ministrica Velida Memić uvodnim izlaganjem.

Kako nije bilo prijavljenih diskutanata pristupilo se izjašnjavanju o PRIJEDLOGU ODLUKE O DOPUNI ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO

Od prisutnih 26, za je glasalo 24, nije bilo protiv niti uzdržanih.

Dopredsjedavajući Ademović je konstatovao da je Skupština donijela ODLUKU O DOPUNI ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO.

### **AD – 14.**

## **PRIJEDLOG AKCIONOG PLANA ZA PREVENCIJU MALOLJETNIČKOG PRIJESTUPNIŠTVA I RAD SA MALOLJETNICIMA U SUKOBU SA ZAKONOM 2013.- 2015**

Prijedlog ovog Plana poslanici/zastupnici su dobili uz poziv za sjednicu.

Ispred Kluba SDP poslanik/zastupnik Nedžad Fazlija je zatražio skidanje ove tačke sa dnevnog reda do naredne Skupštine iz razloga što nema minsitra.

Pravno tumačenje o ovom zahtijevu Kluba SDP dao je sekretar Kolašinac ističući da po Zakonu o Vladi ministra mijenja sekretar minsitarstva. Ovdje je prisutan sekretar ministarstva unutrašnjih poslova a i uvežana dr. Hana Korač je ovlaštena da iznese ovaj materijal i ona je učesnik u izradi ovog materijala tako da je ona kompetentna ličnost da ovo prezentira. To je u skladu sa zakonom o Vladi tako da se ova tačka što se tiče toga može raspravljati.

Poslanik/zastupnik Esed Radeljaš je zatražio da se Skupština izjasni ne da li će povući ili neće povući nego da se ni jedna tačka ne može raspravljati bez prisustva nadležnog ministra.

Poslanik/zastupnik Faruk Efendić je predložio da se prekine zasjedanje Skupštine i da na narednom zasjedanju započne se sa ovom tačkom u prisustvu ministra.

Zamjenik predsjedavajuće Ademović pozvao je predsjednike klubova izuzev predsjednika SDP-a da se izjasne o ovim prijedlozima.

Poslanik/zastupnik Esed Radeljaš:  
Za da se prekine sjednica.

Poslanik/zastupnik Elmedin Konaković:  
Za da se prekine sjednica.

Poslanik/zastupnik Adnan Solaković:  
Za da se prekine.

Poslanik/zastupnik Zaim Backović:  
(Ne čuje se šta zastupnik govori)

Zamjenik predsjedavajuće Ademović je pozvao zastupnike/poslanike da se izjasne o prijedlogu da se prekine sjednica a nastavak iste će biti prije početka naredne redovne sjednice.



Od prisutnih 26, za je glasalo 20, uzdržan 1, protiv 2.

Zamjenik predsjedavajuće Ademović konstatovao je da je Skupština donijela odluku da se na tački 14 Prijedlog akcionog plana za prevenciju maloljetničkog prijestupništva i rad sa maloljetnicima u sukobu sa zakonom 2013 -2015 prekine i da na nastavku sjednice prije redovne sjednice da se ova tačka raspravlja uz prisustvo ministra.

Rad sjednice prekinut je u 19:00 sati.

ZAPISNIK  
SA DRUGOG NASTAVKA RADA 30 RADNE SJEDNICE SKUPŠTINE KANTONA SARAJEVO  
ODRŽANE 27.11.2013.GODINE U 9:00 SATI

Nastavku sedinice su prisustvovali poslanici/zastupnici:

SOCIJALDEMOKRATSKA PARTIJA BIH

- 1.Brigić Ivan
- 2.Srna- Bajramović Segmedina
- 3.Fazlija Nedžad
- 4.Hajdarević Hadžem
- 5.Crnogorac Branislav
- 6.Efendić Faruk

STRANKA DEMOKRATSKE AKCIJE BIH

- 1.Ademović Kemal
- 2.Čomor Eldar
- 3.Konaković Elmedin
- 4.Zukić Amir
5. Hodžić Dževad
- 6.Mašović Amor

SAVEZ ZA BOLJU BUDUĆNOST

- 1.Solaković Adnan
- 2.Ademović Kenan
- 3.Naser Nabil
- 4.Bajrović Izudin
- 5.Talović Munir

BOSANSKOHERCEGOVAČKA PATRIOTSKA STRANKA - Sefer Halilović

- 1.Backović Zaim

NAŠA STRANKA- NOVA SOCIJALISTIČKA PARTIJA- Zdravko Krsmanović

- 1.Kojović Predrag
- 2.Haverić Tarik

NARODNA STRANKA RADOM ZA BOLJITAK

1.Čardžić Damir

BOSS- Mirnes Ajanović

1.Radeljaš Esed

SOCIJALDEMOKRATSKA UNIJA

1.Mujo Hošić

SAMOSTALNI POSLANICI/CE

1.Jurić Mira

2.Hodžić Sabahudin

3.Mehmedić Besim

4.Mulaosmanović Fikreta

5.Pindžo Mirsad

Izostanak sa ove sjednice opravdali su: predsjedavajuća Mirjana Malić, zastupnici Dževad Rađo, Edina Papo, Munir Talović i Selma Filipović.

**AD – 14.**

### **PRIJEDLOG AKCIONOG PLANA ZA PREVENCIJU MALOLJETNIČKOG PRIJESTUPNIŠTVA I RAD SA MALOLJETNICIMA U SUKOBU SA ZAKONOM 2013.- 2015**

Prijedlog ovog Plana poslanici/zastupnici su dobili uz poziv za sjednicu.

Ispred predlagača prisutnima se obratio ministar Nermin Pećanac.

U raspravi su učestvovali sljedeći poslanici/zastupnici: Predrag Kojović, Faruk Efendić, Nedžad Fazlija, Damir Čardžić, Eldar Čomor, Besim Mehmedić, Fikreta Mulaosmanović, Zaim Backović, Segmedina Srna Bajramović, Elmedin Konaković, Naser Nabil, Mujo Hošić, Dževad Hodžić i Enes Zeković.

Na kraju prisutnima su se obratili ministar Nermin Pećanac i gđa Hana Korać odgovarajući na postavljena pitanja.

Gospodin Ademović zamolio je prisutne da pristupe izjašnjavaњу o PRIJEDLOGU AKCIONOG PLANA ZA PREVENCIJU MALOLJETNIČKOG PRIJESTUPNIŠTVA I RAD SA MALOLJETNICIMA U SUKOBU SA ZAKONOM 2014.- 2016.

Od prisutnih 29, ukupno je glasalo 26, od toga 26 ZA, nije bilo uzdržanih i protiv. Nisu glasala 3.

Gosp. Ademović je konstatovao da je Skupština Kantona donijela AKCIONI PLAN ZA PREVENCIJU MALOLJETNIČKOG PRIJESTUPNIŠTVA I RAD SA MALOLJETNICIMA U SUKOBU SA ZAKONOM 2014.- 2016.

Pristupilo se razmatranju informativnog materijala.

### **-Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec august 2013. godinu**

Navedenu informaciju poslanici/zastupnici su dobili uz poziv za sjednicu.

Predstavnik MUP-a gđin.Ganija Halid je iznio uvodne napomene o ovoj informaciji.

U diskusiji koja je uslijedila učestvovali su : Nedžad Fazlija, Čomor Eldar, Mira Jurić, Zaim Backović, Mujo Hošić, Damir Čardžić, Eldar Čomor, Faruk Efendić, Kemal Ademović, Esed

Radeljaš i Branislav Crnogorac.

Na kraju su ministar Pećanac i gđin. Ganija , pokušali dati odgovore na postavljena pitanja koja su poslanici/zastupnici postavljali u svojim diskusijama.

Zamjenik predsjedavajuće gđin Admović je konstatovao da je Skupština primila k znanju informaciju o stanju kriminaliteta javnog reda i mira i sigurnosti saobraćaja na području Kantona Sarajevo za mjesec august 2013 godine.

Ovom tačkom je iscrpljen dnevni red 30. Sjednice SKS .

Rad sjednice je završen u 14.00 sati.

SEKRETAR  
SKUPŠTINE KANTONA SARAJEVO  
Abid Kolašinac, dipl.pravnik

ZAMJENIK PREDSJEDAVAJUĆE  
SKUPŠTINE KANTONA SARAJEVO  
Kemal Ademović

Sastavni dio ovog zapisnika su stenografske bilješke, u kojima su detaljno obrazložene diskusije poslanika/zastupnika , audio i CD snimak sjednice, koji se čuvaju u Službi za skupštinske poslove Skupštine Kantona Sarajevo.